



31. august 2018

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqutit:

- 1. SANA-p Nuummilu paarnaarussiviup matoqqasup suleqatigiinnerat qanoq ikkumaartoq Naalakkersuisut qanoq takorloorpaat?**
- 2. SANA-mi Sillimaniarnikkut qanoq aaqqiisoqartassamaarpa, inissiisarfimmi paarnaarussat arlaat SANA-mi katsorsarneqartussangoraangat? Timikkut tarnikkullu katsorsarneqarnissaq pillugu unittoqaraangat sillimiarnikkut qanoq aaqqiisarnissap allaaserineqarnissaq kissaatigaara kiisalu kissaatigaara qanoq akeqartarnissaata tagginneqarnissaq taamatullu kina akiliisassanersoq.**
- 3. Imatut pisoqartarsinnaassanerluni soorlu paarnaarussat uninngasunik allanik ineqateqartarsinnaassallutik aamma taamatut pisoqartassappat qanoq aaqqiisoqartarnissaata takorloorneqarpa?**
- 4. Nuummi inissiisarfimmik matoqqasumik nutaamik ammartoqarnissaq pissutigalugu tarnip pissusaanut immikkut ilisimasalinnik kiisalu tarnip nappaataanut nakorsanik amerlanerusunik Peqqinnissaqarfimmi atorfinitisitsisoqarnissaq Naalakkersuisut eqqarsaatiginerlugu?**
- 5. Kiap pingarneriuussallugu akisussaaffigissavaa inissiisarfimmi matoqqasumi paarnaarussap imaluunniit meeqqap kinguaassiutitigut atornerlunneqarsimasup sukkanerpaamik siulliulluni katsorsarneqarnissaq? Periuserineqassanerluni utaqqisarnissaq siulliit takkuttut siullunneqartarlutik imaluunniit suliamiit suliamut aalajangiisoqartassamaarpa?**
- 6. Suliamut tunngasunik allanik soqutiginaatilinnik Naalakkersuisut paassisutissiisinnanaerlutik?**
(Inatsisartunut ilaasortaq Randi Vestergaard Evaldsen, Demokraatit)

Tunngavilersuut

Nuummi inissiisarfik matoqqasoq inaarsarneqarpoq naatsorsuutigineqarluni 2019-mi upernaakkut atorneqalerumaartoq. Naatsorsuutigisariaqarpoq inissiisarfimmi paarnaarussat ilaasa tarnikkut nappaateqarnertik pissutigalugu SANA-mi katsorsarneqartarnissaat.

Aamma naatsorsuutigisariaqarpoq inissiisarfimmi paarnaarussat piffissap ingerlanerani napparunik inissiisarfimmi katsorsarneqarsinnaannginnertik pissutigalugu SANA-mukartariaqartarnissaat immaqalu allaat unitsinneqarlutik.

Tassunga atatillugu soqutiginassaaq paassisallugu qulaani taaneqartutut pisoqartillugu qanoq



aaqqiisoqartarnissaa Naalakkersuisut eqqarsaatigisimaneraat aamma soqtiginassaaq paassisallugu paarnaarussat innuttaasunut naliginnaasunut naleeqqiuullutik katsorsarneqartarnissaannut tunngatillugu qanoq pingaarnersiuisoqartassanersoq.

Nalungilarpummi tarnip pissusaanut immikkut ilisimasalinnik aamma tarnip nappaataanut nakorsanik soorlu meeqlanik kinguaassiutitigut atornerlunneqarsimasunik katsorsaasinnaasunik amingaateqaratta taamaattumik ernummatigaara meeqqat allallu suli annerusumik sumiginnarneqarsinnaanerat inissiisarfimmi matoqqasumi paarnaarussat qularnanngitsumik akunnerpassuarni tarnip pissusaanut immikkut ilisimasalinnik aamma tarnip nappaataanut nakorsanit katsorsarneqartariaqartartussaassammata.

Oqanngilanga inissiisarfimmiettut katsorsarneqartassanngitsut soorunami katsorsarneqartassapput, uangali isinni pingaaruteqarpoq Naalakkersuisut ajornartorsiutinut pineqartunut isummersornissaat inissiisarfieu matoqqasup ammarneqannginnerani taamaasilluni ajornartorsiutit takkukkumaartussat suliarinissaat pilersaarusiunneqareersinnaaniassammata.

Tamanna tunngavigalugu qilanaarpunga akissutit tigunissaannut ullut sulliviit naliginnaasut qulit iluanni.